

اوجنچی سنه - آلتنجی جلد - نومرو ۱۵۲

۱۱ ربیع الآخر ۱۳۱۲ - ۲۹ ایلول ۱۳۱۰



اداره خانه سی

باب عالی جاہ - مدہ قسبار کتبخانہ - پندر جریدہ معارف کافہ مشہور -
لیت و خصوصات ایچون قسبار کتبخانہ - مدہ مراجعت اول نور

نسخه سی ۲۰ پاره در

آبونه بدلی

برسنه لک الی ایکی نسخه سی برسنه اجر تیلہ برابر بروجہ پیشین ۳۵
غروشہ در - در سعادت ایچون اداره خانه دن آلتق اوزره ۲۰ غروشہ در

و لو سپید اینه ترلای طولاً و عرضاً قطع ایدیکز ؛
و انشای سیرده آباغکزک اجرا ایش اولدینی دورک عدینی
حساب ایدیکز . بو حالد ترلایک مطلوب اولان مساحه سنه
دسترس اولمش اولور .

مثلاً : بر ترلا فرض ایدیکز که طولنده ۵۰ دور
و عرضنده ۲۵ دور اجرا ایدیش ؛ و لو سپیدمه قدمک
دوریه بش متروک محلی طی ایش اولسون . مستطیلک
ایکی طرفی $۵۰ \times ۲۵ = ۱۲۵۰$ مترو
اولوب ترلایک مساحه سطحیه سی ده $۱۲۵۰ \times ۲۵۰ = ۳۱۲۵۰$ [مترو مربی اولمش اولور .

بو عملیات فیه ، عامل و مختارنه خدمات مفیده عرض
ایتدیک کي و لو سپید مراقیلیری دخی بوندن مستفید
اوله بیله جکارینی بنه کندیس سولور .

محمد جمال الدین

کورولموردی . فقط بودفعه فرانسز غزتله رینک برنده
مصادف نظر عاجزی اولدینی اوزره و لو سپیدک یکی
بر خدمتی کورولور که بوده اراضی مساحه اتمکه واسطه
اولم سیدر . بو فکری میدان استفاده قویان فرانسز
فن زراعت جمعیتی طلبه سندن موسیو موریس وواتلدر .
موسم حصاده بر جوق کیمسه ، اوراجقی ، حصاد و سائر
عمله ک یایدینی ایشی تخمین و تقدیر اتمک ایستر ؛ ایشیلان
محلی (مساحه شریدی) ایه اولچمکه وقت غیر مساعد ،
یا خود بو بوجهله غیر ممکن اولور ایسه اکثریا قدم ایه
مساحه و تخمین اولور که بونکده اوقدر طوغری اوله مه جنی
طبیعیدر . بو بایده غایت سریع و مفید بر اصول و ارسه اوده ،
و لو سپید ایه مساحه اتمکدر . دهاییک ییچلمش ترلای اولدنج
سرت اولوب اوزرنده تکرلکار یورویه بیلیر ؛ زاویه لی
بر ترلایک مساحه سی آلتقی ایستیلور ؛ بو یک قولایدر .

ریواس

طعام ایچنه قونسه یمکک نفاستی اصلا بوزمن . کندیس
غایت بارلاق و بیاض اولدینی کي اوزرنده خیلی نازک
بر قبوغی واردر اگر بو ایچنه قبوغندن تجرید ایدلسه
اولکندن ده بیاض اولدینی کورولور . بو میوه لرمفرداً
بولیوب بعضلرینک بطننده اوافق اوافق بر طاقم بزوراتی
بولاناری ده واردر .

ریواس ، مارت و نیسان آیلرینک یاغور صولرینی بیر
وکوک کورلمه سی شدت تاثیرینی آلدقدنصکره . سلسله
مزبورده یواش یواش طوپراقندن طیشارو قزلامه
باشلار . بو میوه نک نه تخمی ونده فدائی اولوب طبیعی
اوله رق نشو و نما بولور . زرع و تربیه احتیاجی یوقدر .
آیحقی طوپراقندن طیشارویه جیقمهغه باشلادینی زمان .

یاغلی و (جلاو) ایسه یاغز اولدیغندن اوزرنه قونیلان خورشی
یاغی مقامده طویلور .

(۲) - خورش (خوردن) مصدرندن اسم مصدر اوله رق
قاتیق معناسته ایسه بورادکی خورشدن مقصد نجم چلاونک
اوزرنه دوکیلان بر طعامدرکه انواعی چوقدر نته کیم : خورش
ریواس ، خورش قیه ، خورش کوقته ، خورش آلو (اریک)
خورش سیب (الما) ، خورش به (ایوا) ، خورش بادجان
(بطلجان) و سائره کي .

ایراند (ریواس) نایله معروف اولان غایت لذیذ
بر نوع میوه واردر . بو میوه خراسان ایالتیه (مشهد مقدس)
(نیشابور) شهرلی اراسته کي طاعلرده نشو و نما
بولور .

شکل و منظره سی طبقی انسان الیه (طرناق اوچلرندن
قولک دیرسکته قدر اولان شکلی تصور ایتلدر) مشابه
و بارمقاری اداسی اوردک نیجه می کي بر طاقم ایچ زارلر
ایله مسدوددر . نیجه سیله قولک جزئی بر مقداری اکثریا
قرمز و بعضاده صاری ویشیل رنگده بر طاقم اوافق
حبیبات ایه مستوردر که بوده انسانک قولک توپلری مثابه
سنددر . لذتی میخوش و غایت صولیدر . لذتلی خیل
اکشی (ریواس) اردخی واردر . رنکی غایت بارلاق و بیاضدر .
اول درجه کوره کدرکه ال ایه طوقونیلور طوقونلماز
بارجه بارجه اولور . ریواس ، عادتاینلکی کي طارچین
ایله شکر دوکلد کدنصکرده اکل اولور . بو حالد ده
خوش اولور ؛ بالخصوص نفاستی مسلم اولان نجم پلاوینه
(۱) خورش (۲) بابیله لذتی آرتار . دنیله بیلور که ره هانکی
(۱) - بوراده نجم پلاوی دیشل ایسه ده خورش پلاو
اوزرنه قونیلوب بلکه (جلاو) اوزرنه قونیلیر . ذرا پلاو

نشو و نما بولیورسه ده (عراق عجم) ده دخی نادرا بولنور.
فقط بورانك (ربواس) لری غایت اینجه و صوسز وهان
ینلعه جك درجه ددر .

لكن خراسانده نشو و نما بولان ریواسلرك اك اعلاسی
تصور ایته بكنز متوسط و بیاض و فوق العاده زیباردلر انك
بازوی برهنه سندن دها كوزل بر شكل عرض ایدركه
اكر انسان او شكل خوش منظره عطف نظر ایته صانع
تعالی و تقدس حضرتلرینك بو صنع بدیعنه حیران قالماسی
مكن دكلدر .

حیفكه بو میوه لطیفك دوامی بزم بورادمکی لذیذ
و خوشبو چیلكلردن دها آژ اولوب تقریباً اون اون بش
كون امتداد ایدر !
نوروز زاده : شكری

غایت كورهك اولميسندن روزكارك تأثیری ایله یارچهلمسون ديه
اول جوار كوییلری كونده بر دفعه كیدوب جمله سنی
تیه سنه قدر قوم الله ستر ایدرلر و روزكار قوملری کوتورمسون
ديه قوملر اوسته بر طاقم طاشلرده وضع ایدرلر . کوییلر
هر صباح بو عملیاته دوام ایدرلر . نهایت نیسان اینك
صوك كونه یینه طوغری كاله ایریشر هر صباح حیوانلر
واسطه سیله جوار شهرلره نقله باشلانیلور . ریواسك كورهك
اولميسندن ناشی صاتیجیلر هان میوه لك ورودنده استحضار
ایتمش اولدقلری صورل اینجه آتارلر زیرا صو آنلرك
یارچه لملق محذوری دفع ایدر .

یوقاروده عرض اولدنیی وجهله بو میوه یالکیز
مشهد مقدس ایله (یشابور) شهرلری اراسنده کی طاغلرده

بعض سبزه لرك منشأری

لحنه - سیریلدن نشئت ایتمشدر .
کره ویز - آلمانیه ده تحصیل ایلمشدر .
پتاس - آمریقا ده پروده حصوله کلشدر .
صوغان - مصر ده حاصل اولمشدر .
توتون - آمریقای جنوبی محصولاتندندر .
طاری - برنجی دفعه اوله رق هند ده کشف اولمشدر .
لیمون - منشأی آسپادر .
یولاف - افریقای شمالیه تحصیل ایتمشدر .
چودار - سیریلدن نشأت ایلمشدر .
معدنه نواز - ساردنیا جزیره سنده خدای نابتدر .
بان - حاووجی - عربستاندن کلشدر .
اسپناق - » » »
کستانه اغاجی - تیت دن نقل اولمشدر .

آپوه - قوش اطه سی محصولیدر .
آرمود - مصر دن نشأت ایتمشدر .
سیاه طورپ - اورویای جنوبیه حاصل اولمشدر .

طراقلر

سن شیخوخته واصل اولنجه یه قدر انسانك قاج دفعه

طرناق دکشدر دیکنی بیلورمیسکنز ؟ خیر . او یله ایسه
آئیده کی سطرلری مطالعه بیورک .

ذکورک (قالینجه) ضمیمه و انانك رقیق . پنه . بجلا اولان
طرناقلری هراون درت بحق آیده برکزه تمامیه تجدد ایلر .
یتیمش یاشته قدر ارکک و یا قادن خبری اولمق سزین (۱۸۶)
دفعه طرناق دکشدر مکنده در .

اگر شهادت یارمغلك طرناغی بر طرف درونسه
قویوب هیچ کسمه یه رك التمش سسته قدر کنده نشو
و نماسنده ترك ایدیلورسه . بلا شبهه او طرناق ایکی مترودن
زیاده بر طول اخذ ایدر !

دو کولش قهوه لك مغشوشیتی الکلامق

بر بارداغك اوج ربی خالص صو ایله طولیدر یلوب
شبهلی قهوه دن مایعك سطحته بر مقدار دو کیلور .

اگر حیلهمز قهوه ایسه صوئی غایت یواش یواش
جذب ایدرك مایعك سطحته قایلر . هندبانی حاوی ایسه
بالعکس سرعتله صوئی جذب ایلیموب قایلک دینسه
چو کر .